




焦氏易林卷二

隨之第十七

隨 鳥鳴東西迎其羣侶似有所屬不得自專空返獨還

乾 鼻目易處不知香臭君迷於事失其寵位

坤 唐虞相輔鳥獸喜舞安康無事國家富有

屯 左輔右弼金玉滿堂常盈不亡富如教倉師之歸妹
蒙之坤

蒙 蒼龍單獨與石相觸摧折兩角

需 釣目厭部善逐人走來嫁無夫不安其廬

訟 逐兔驅狼避去不祥凶惡北行與善相逢

師 齋貝贖狸不聽我辭繫於虎鬚牽不得來需之睽同人
之否否之革

比 同載共輿中道別去喪我元夫獨與孤苦比之革

剝 奮翅鼓翼將之嘉國愆期失時乃得所欲

履目傾心惑夏姬在側申公顛倒巫臣亂國
泰搏鳩彈鵲獵兔山北丸盡日暮失獲無得
否鹿求其子虎廬之里唐伯季耳貪不我許
同敗魚鮑室奧不可息上山履塗歸傷我足
大華燈百枝消暗衰微精光訖盡能有灰糜
謙顏叔子夏遊遨仁宇溫良受福不失其所
豫梁柱堅固子孫蕃熾福喜盈積終無禍悔
蠱邊鄙不寧民狎於野裔人成功年歲大有
臨蝸池鳴呵呼我水潦雲雨大會流成河海
觀志合意同姬姜相從嘉偶在門夫子悅喜
嗟白馬騶駁更生不休富有商人利得如邱
貢大姒夏禹經啓九道各有攸處民得安所

剝甲戊己庚隨時轉行不失其心唐季發憤擒滅子嬰

復穆達百里使明厲武將帥襲戰敗於穀右

无茹茹本居與類相投願慕羣旅不離其巢

畜大伯仲叔季日暮寢寐坐卧失明喪其貝囊

顧亡羊補牢張氏失牛駢駟奔走鵠盜我魚大壯之

過大雀目燕賴畏昏無光思我狡童不見子充

坎人暗出明動作有光運轉休息常樂允康

離不勝私情以利自嬰北室出孤毀其良家

咸稱幸上靈媚悅於神受福重重子孫蕃功

恆齊姜叔子天命在位實沈參墟封爲康侯

遜遨遊無患出入安全長受其權君子萬年

壯大被服文德升入大麓四門雍肅登受大福慈烏鳴鳩執一

無尤寢門內治君子悅喜

晉

負金懷玉南歸嘉國蜂蠆不螫利入我室

蠆音邁
螫音釋

夷明

日在阜顛嚮昧爲昏小人成羣君子傷倫

人家

水火父母先來鳴咷澤臯之上從高而處

睽

東隣少女爲王長婦柔順利貞宜夫壽子

蹇

戴餅望天不見星長願小失大福逃於外

願一作顧

解

王喬無病狗頭不痛亡跛失履乏我徒從

損

使燕築室身無庇宿家不容車後我衣服

益

威權分離烏夜徘徊爭蔽月光大人誅傷

家人之
无妄

夬

辯變白黑巧言亂國大人失福君子迷惑

姤

衣踞甲鎧敝筐受貝大人不顧少煩不取棄捐於道

萃

燕雀銜泥以生孚乳兄弟六人交好孝悌得心歡欣和悅

相樂小畜之異

升登几上輿駕駟南遊合從散衡燕秦以強

黷黷許許仇禍相得冰入炭室消亡不息許許一作許許

井鳴鴉破斧邦人危殆賴其忠德轉禍為福傾危復立

革載金販狗利弃我走藏匿淵渠悔折為咎

鼎淵坑復平宇穴安寧憂患解除賴福長生

震驪姬譏嬉與二孽謀譖我恭子賊害忠孝駕出嘉門商伯

有害

艮剗羊不當血少無羹女執空筐不得採桑

漸牧羊稻園聞虎喧囂畏懼悚息終無禍患

歸妹明德隱伏麟鳳遠匿周室傾側不知所息

豐鄰不我顧而求寶玉身多禿癩誰肯媚者

旅初雖無與後得載車賴幸逢福得離兵革

巽水壞我里東流為海龜鳧懼器不睹王母

兌兩心不同或欲西東明論終始莫適所從

渙天帝懸車廢禮不朝攘服不制失其寵家

節交川合浦遠溼難處水土不同思吾皇祖

中孚勾踐之危棲於會稽太宰機言越國復存

小過慈烏鳴鳩執一無尤寢門內治君子悅喜隨之大壯

既濟當年早寡孤與獨居雞鳴犬吠無敢問者我生不遇獨罹

寒苦

未濟江海變服淫泆無測高位顛崩寵祿反覆

蠱之第十八

蠱紡生江淮一轉為百周流四海無有難惡紡一作紡

乾首澤與目載受福慶我有好爵與喜相迎

坤輶輶輶歲暮編蔽寵名棄捐君哀在位

屯折箬蔽日屏遮王曰司馬無良平子沒傷

蒙家在海隅繞旋深流王孫單行無妄以趨固陰沍寒常冰

不溫凌人情怠大雹爲害

需執義秉德不危不殆延頸盤桓安其室垣屯耗未得終無

大恤

訟長舌亂家大斧破車陰陽不順姬姜哀憂

師二人共路東趨西步千里之外不相知處

比視暗不明雲蔽日光不見子都鄭人心傷

小初憂後喜與福爲市八佾列陳飲御嘉友

履僮妾獨宿長女未室利無所得

秦玄黃四塞陰雌伏謀呼我墻屋爲巫所識

否中歲摧隕常恐衰微老復賴慶五穀爲相

伯氏殺牛行悖天時亳社夷燒朝歌邱墟

有大人同日短夜長祿命不光早離父兄免見憂傷

謙采唐沐鄉徼期桑中失心不會憂思忡忡

豫昧視無光夜不見明冥抵空床季葉逃亡

隨舉趾振翼南至嘉國見我伯姊與惠相得

臨則天順時周流其墟與樂並居無有咎憂

觀蠱室蜂戶螫我手足不可進取爲我害咎

公孫駕驪載遊東齊延陵悅產遺季紵衣

賁轉作驪山大失元心劉季發怒禽滅子嬰

剝羊腸九榮相推稍前止須王孫乃得上天

復蟠螭充側佞人傾惑女謁橫行正道壅塞

无妄福祿不遂家多怪崇麋鹿悲鳴思其大雄

大畜雲雷因積大雨重疊久不見日使我心悵

頤三河俱合水怒踴躍壞我王室民困無食

大過旦雨夜行早遍都城更相覆傾終無所成三頭兩眼不見

其真

坎褒后生蛇經老盲微側跌哀公酉滅黃離

離鴻雁南飛隨陽休息轉送天和千里不哀

咸後時失利不得所欲

恆心多恨悔出言爲怪梟鳴室北聲醜可惡請謁不得

遯四馬過隙時難再得尼父孔聖繫而不食

壯大陰變爲陽女化爲男治道得通君臣相承

晉崑崙源口流行不止龍門砥柱民不安處母歸扶子黃麕

悅喜

明夷

葛纍蒙棘華不得實讒佞亂政使恩壅塞

家人

公無長驅天王駿馬非其所當傷折爲患

睽

大倉充盈萬物蕃成年歲熟榮

蹇

執黃炤犧爲風所吹火滅無光不見玄黃

解

鳥反故巢歸其室家心平意正與叔相和登高殞墜失其

寵貴

損

弩弛弓藏良犬不行內無怨女征夫在堂

益

牡犧孔博日新其德文君出獵姜氏受福

夬

秋季孟冬寒露霜降大陰在庭庶物不生雞鳴犬吠家憂

數驚

妬心多恨悔出門見怪反蛇三足醜聲可惡嫫母爲媒請求

不得

萃虎豹爭強道閉不通小人權訟貪天之功

升雞方啄粟爲狐所逐走不得食惶怖惕息

困陳矯敬仲兆興齊姜乃適營邱八世大昌

井昊天白日照臨我國萬民康寧咸賴嘉福

革雲夢大藪索有所在虞人共職驪駒樂喜

鼎獐鹿雉兔羣聚東國盧黃白脊俱往追逐九齡十得主君

有喜

震德惠孔明主君復章保其室堂

艮天之所壞不可強支眾口嘈嘈雖貴必危

漸天之奧隅堯舜所居可以全身保我邦家

歸妹

下泉苞稂十年九王荀伯遇時憂念周京

九一作无

豐

江淮海隅眾利聚居可以遨遊卒歲無憂

旅

南山黃竹三身六目出入制命東皇宣政主尊君安鄭國

無患

巽

重譯貢芝來除我憂喜樂俱居同其福休

兌

南山高岡麟鳳室舍和履中國無災殃

渙

紫芝朱草生長和氣公尸侑食福祿來下

節

宮成室就進樂相舞英俊在堂福祿光明

孚

商之子孫資無所食貪員逐狐留連都市還轅內鄉嘉喜

何咎

小過

執贄入朝獻其狐裘元戎燮安沙漠以懽

濟既

湧泉汨汨南流不絕滂爲淮海敗壞邑里家無所處

濟未

固陰沍寒常冰不溫凌人情怠大雹爲災

臨之第十九

臨
弱水之西有西王母生不知老與天相保行者危殆利居
善喜

乾

黃獮生子白戌爲母晉師在郊虞公出走

坤

倉皇奉使中山以孝文侯悅喜擊子徵召

屯

機關不便不能出言精誠不通爲人所冤

蒙

白茅醴酒靈巫拜禱神嗜飲食使君壽考

需

重瞳四乳目聰耳明普仁表聖爲作元輔

訟

水漲無船破城壞堤大夫從役一朝亡殞不見少妻

師

六人俱行各遺其囊鴻鵠失珠無以爲明

比

隨時轉行不失其常各樂厥類身無咎殃

小畜 蔡女蕩舟爲國患憂褒后在側屏蔽王目早哀六畜
履 駕龍騎虎周遍天下爲神人使西見王母不憂危殆
泰 胥怨之吳畫策闔閭鞭平服荆除大咎殃威震敵國還受

上卿

否

唐邑之廬晉人以居虞叔受福實沈是國世載其樂

同人

管鮑相知至德不離三言於桓齊國以安

大有

三十無室長女獨宿心勞未得憂在胸臆

謙

散渙水長風吹我鄉火滅無光隳敗桓公

豫

蜎飛蠕動各有配偶小大相保咸得其所

隨

安樂几筵未出王門

蠱

火生月窟下土恩塞飢亂我國

觀

長生無極子孫千億柏柱載梁堅固不傾

嘯

欽敬昊天歷象星辰宜授民時陰陽和調

賁

三河俱合水怒踴躍壤我王室民困於食

剝

壽如松喬與日月俱常安康樂不離禍憂

復

天之所予福祿常在不憂危殆

无妄

受讖六符招搖室虛雖跌無憂保我全財

大畜

齋金買車失道後時勞罷爲憂我心則休

頤

華首山頭仙道所遊利於居止長无咎憂

大過

采唐沫鄉徼期桑中失信不會憂思約帶

坎

人面九口長舌爲斧斲破瑚璉殷商絕後

離

臨溪橋夙雖恐不危樂以笑歌

咸

泱泱沸溢水泉爲害使我無賴

恆

蝗螟爲賊害我稼穡秋飢於年農夫鮮食